

EURITEAK ETA UHOLDEAK MUNDUAN BARRENA. Txekiar Errepublikan 200.000 herritar baino gehiago euren etxeetatik ihes egiterat behartuak izan dira, ibaiak gainezka egin baitu. Alemanian, aldiz, 30.000 lagunetik gora daude egoera berean.

Azken 50 urteotan inoizko jende gehien mugiarazi dute uholdeek European

Pragak kinka larrian jarraitzen du; Eslovakiako hiriburu Bratislavan, berriz, larrialdi egoera ebatzi dute

Erredakzioa | **DONOSTIA**

Aste honen hasieran eta iraganekoan zehar egindako etengabeko euriteen ondorioz gertatzen ari diren uholdeek azken 50 urteotan inoizko jende gehien mugiarazi dute European. Txekiar Errepublikan, esate baterako, 200.000 herritar baino gehiago euren etxebizitzetatik ihes egin beharrean egon dira, hauetatik 70.000 Praga hiriburutik bertatik. Alemaniako Bavaria eta Saxonian, berriz, 30.000 lagunetik gora mugiarazi ditu uholdeak.

Ekialde eta Mendebaldeko Europako ibai handien eta erreka txikien gainezka egiteak, zuzenean ala zeharka, 94 lagun heriotza eragin dute orain arte, baino atzo iluntzean eman zen balantze hori areagotu daiteke. Hala, esparru zabaltasunari dagokionez, uholdeak larrienik pairatu dituen Errusian, hildakoen kopurua 58koa zen atzo, baina uraldi basatiek Itsaso Beltzerat bota dituzten hogeita hamar bat ibilgailutan zeuden lagunak ez ziren kontuan hartu zenbaketa horretan.

Txekiar Errepublikan 9 pertsonak bizia galdu dute, azken egunotako uholdeen ondorioz. Pragan, hiriburuan, Vltava ibaiaren maila urtaro honetan egon ohi denetik 7,5 metro gorago zen atzo, eta ordu oro 10 eta 15 zentimetro bitartean igotzen jarraitzen zuen urak. Josef judu auzune ohiko azken bizilagunak mugitzea agindu zuten udal agintariak. Erdi Aroko Mala Strana auzotegiko kaleak ere urez gainezka izaten hasi ziren. Egoeraren larritasunak Portugalen osasun sendabiderako egonaldi bat egiten ari zen Vaclav Havel presidentea herrialde horretatik bueltatzera ere behartu zuen.

Alemanian, Vltava ibaiaren urak hartzen dituen Elbaren gainezka egiteagatik, Desde hiriaren zati bat mugiaraztea behartu zuen agintariak. Uholdeek larrienik ukitu dute Saxonia herrialdean, 7 herritarrek galdu dute bizia.

Galdutakoak bi dira, eta 95



CTK - STAN PESKA / EPA

Txekiar Errepublikako presidente Vaclav Havel Pragako Karlos zubian atzo, uholdeek eragindako hondamendia ikusten.



RALF HIRSCHBERGER / EPA

Dresde hiriaren irudia. Urek Alemaniako hiria ere hartu dute.



ECKEHARD SCHULZ / AP

Alemaniako kantziler Schroeder, kaltetuekin hizketan, atzo.